

Cuntas Leithreasa 2022

Vóta 35

Arm-Phinsin

Réamhrá

Mar Oifigeach Cuntasaíochta do Vóta 35, ceanglaítear orm an cuntas leithreasa don Vóta a ullmhú gach bliain, agus an cuntas a chur faoi bhráid an Ard-Reachtair Cuntas agus Ciste lena iniúchadh.

De réir an cheanglais seo, d'ullmhaigh mé an cuntas a ghabhann leis seo ar an tsuim a caitheadh sa bhliain dar chríoch an 31 Nollaig 2022 ar phá scoir, pinsin, cúiteamh, liúntais agus aiscí is infíochta faoi ilreachtanna le comhaltaí Óglaigh na hÉireann nó ina leith agus le comhaltaí Eagraíochtaí Míleata áirithe, etc., agus ina leith agus le haghaidh il-ranníocaíochtaí agus ilchaiteachais i ndáil leo sin; le haghaidh liúntais sheachreachtúla áirithe leanaí agus íocaíochtaí eile agus le haghaidh ildeontas.

Cuirtear an toradh caiteachais i gcomparáid leis na suimeanna arna ndeonú ag Dáil Éireann faoin Acht Leithreasa, 2022, lena n-áirítear an tsuim a d'fhéadfaí a úsáid mar leithreasá-i-gcabhair ar mhaithe le caiteachas don bhliain.

Dlítear farasbarr €1.685 milliún a ghéilleadh don Státchiste.

Is cuid den Chuntas iad an Ráiteas faoi Pholasaithe agus faoi Phrionsabail Chuntasaíochta agus nótaí 1 go 6.

Ráiteas faoi Pholasaithe agus faoi Phrionsabail Chuntasaíochta

Cuireadh na polasaithe agus na prionsabail chuntasaíochta chaighdeánacha maidir le cuntais leithreasa a tháirgeadh, mar atá leagtha amach ag an Roinn Caiteachais Phoiblí, Seachadta ar an bPlean Forbartha Náisiúnta, agus Athchóirithe, i gclár 22 de 2022, i bhfeidhm agus an cuntas á ullmhú.

Ráiteas faoi Rialú Inmheánach Airgeadais

Freagracht as córas rialaithe inmheánaigh airgeadais

PMar Oifigeach Cuntasaíochta, aithním an fhreagracht atá orm as a chinntiú go ndéanann an Roinn córas éifeachtach rialaithe inmheánaigh airgeadais a chothabháil agus á fheidhmiú.

Comhlíontar an fhreagracht sin i gcomhthéacs na n-acmhainní atá ar fáil dom agus i gcomhthéacs na n-oibleagáidí eile atá orm mar Ard-Rúnaí. Ina theannta sin, ní féidir le haon chóras rialaithe inmheánaigh airgeadais ach dearbhú réasúnach seachas dearbhú iomlán a thabhairt go gcosnaítear sócmhainní, go n-údaráítear idirbhearta agus go dtaifeadtar i gceart iad, agus go ndéantar earráidí nó neamhrialtachtaí ábhartha a chosc nó go n-aimseofaí iad go tráthúil. Is próiseas leanúnach é an córas rialaithe inmheánaigh airgeadais a chothabháil agus déantar athbhreithniú leanúnach ar an gcóras agus ar a éifeachtúlacht.

Seirbhísí comhroinnte

Chomhlíon mé mo chuid freagrachtaí maidir le ceanglais an chomhaontaithe bainistíochta seirbhíse idir an Roinn seo agus an Oifig Náisiúnta um Sheirbhísí Comhroinnte maidir le seirbhísí comhroinnte párolla pinsin a sholáthar.

Braithim ar litir dearbhaithe ón Oifigeach Cuntasaíochta ar an Vóta don Oifig Náisiúnta um Sheirbhísí Comhroinnte á rá go bhfuil na rialuithe cuí á bhfeidhmiú maidir le soláthar seirbhísí comhroinnte don Roinn seo.

Timpeallacht rialaithe airgeadais

Deimhním go bhfuil timpeallacht rialaithe i bhfeidhm ina bhfuil na gnéithe a leanas.

- Sannadh freagrachtaí airgeadais ar leibhéal bainistíochta agus sannadh an chuntasacht chomhfhreagrach.
- Bunaíodh socruithe tuairiscithe ar gach leibhéal ar ar sannadh freagracht as bainistíocht airgeadais.
- Tá nósanna imeachta foirmiúla i bhfeidhm chun laigí suntasacha rialaithe a thuairisciú agus gníomhaíocht cheartaitheach chuí a chinntiú.
- Tá Coiste Iniúcháireachta ann, a bhfuil Cathaoirleach neamhspleách aige, chun comhairle a thabhairt dom i gcomhlíonadh mo chuid freagrachtaí as an gcóras rialaithe airgeadais inmheánaigh.
- Rinneadh nósanna imeachta do gach príomhphróiseas gnó a dhoiciméadú.
- Tá córais i bhfeidhm chun na sócmhainní a chosaint.

Rialuithe riaracháin agus tuairisciú bainistíochta

Deimhním go bhfuil creat um nósanna imeachta riaracháin agus tuairisciú rialta bainistíochta i bhfeidhm, lena n-áirítear leithscaradh dualgas agus córas tarmiligin agus cuntasachta agus, go háirithe,

- go bhfuil córas buiséadaithe cuí ann le buiséad bliantúil a choinníonn an lucht ardbhainistíochta faoi athbhreithniú
- go ndéanann an lucht ardbhainistíochta athbhreithnithe rialta ar thuarascálacha airgeadais tréimhsiúla agus bliantúla a léiríonn feidhmíocht airgeadais i gcoinne réamhaisnéisí
- go bhfuil córas bainistíochta riosca i bhfeidhm laistigh den Roinn
- go bhfuil córais ann atá dírithe ar shlándáil na gcóras TFC a chinntiú.

Iniúcháireacht inmheánach agus an Coiste Iniúcháireachta

Deimhním go bhfuil feidhm iniúcháireachta inmheánaí ag an Roinn le pearsanra cuí-oilte, a oibríonn de réir cairt scríofa atá faofa agam. Feidhmíonn an t-aonad iniúcháireachta inmheánaí go neamhspleách agus tá a chuid oibre bunaithe ar anailís ar na rioscaí airgeadais a bhfuil an Roinn, lena n-áirítear Vóta na nArm-Phinsean, neamhchosanta orthu agus tá a pleananna iniúcháireachta inmheánaí bliantúla, arna gceadú agam, bunaithe ar an anailís seo. Tá sé d'aidhm ag na pleananna sin na príomhrialuithe a chlúdach ar bhonn rollach thar thréimhse réasúnta. Déanaimse agus déanann an Coiste Iniúcháireachta athbhreithniú tréimhsiúil ar an bhfeidhm iniúcháireachta inmheánaí. Tá nósanna imeachta curtha i bhfeidhm agam lena chinntiú go ndéantar gníomh leantach i leith thuarascálacha na feidhme iniúcháireachta inmheánaí.

Soláthar

Deimhním go gcinntíonn an Roinn go bhfuiltear ag díriú go cuí ar an deachleachtas maidir le ceannach agus go bhfuil nósanna imeachta i bhfeidhm chun comhlíonadh a chinntiú maidir leis na treoirlínte ábhartha uile.

Creat riosca agus rialaithe

Chuir an Roinn córas bainistíochta riosca lena ndéantar sainaitheint agus tuairisciú ar na príomhrioscaí agus na gníomhartha bainistíochta atá á ndéanamh chun aghaidh a thabhairt orthu agus, a mhéid is féidir, chun na rioscaí sin a mhaolú.

Tá clár rioscaí i bhfeidhm lena sainaitheintear na príomhrioscaí atá roimh an Roinn agus déantar iad a shainaithint, a mheas agus a ghrádú de réir a dtábhachta. Déanann an Bord Bainistíochta an clár a athbhreithniú agus a nuashonrú ar bhonn míosúil. Úsáidtear toradh na measúnuithe sin chun acmhainní a phleanáil agus a leithdháileadh chun a chinntiú go ndéantar rioscaí a bhainistiú go leibhéal inghlactha.

Mionsonraítear leis an gclár rioscaí na rialuithe agus na gníomhartha is gá chun rioscaí a mhaolú agus sanntar leis freagracht as feidhmiú na rialuithe do bhaill foirne ar leith.

Monatóireacht agus athbhreithniú leanúnach

Bunaíodh nósanna imeachta foirmiúla chun faireachán a dhéanamh ar phróisis rialaithe agus cuirtear easnaimh rialaithe in iúl dóibh siúd atá freagrach as gníomhaíocht cheartaitheach a dhéanamh agus don lucht bainistíochta agus don Bhord Bainistíochta, i gcás inarb ábhartha, go tráthúil. Deimhním gur sainaitheintíodh príomhrioscaí agus rialuithe gaolmhara agus gur cuireadh próisis i bhfeidhm chun monatóireacht a dhéanamh ar oibriú na bpríomhrialuithe sin agus chun aon easnaimh shainaitheanta a thuairisciú.

Athbhreithniú ar éifeachtacht

Deimhním go bhfuil nósanna imeachta ag an Roinn chun monatóireacht a dhéanamh ar éifeachtacht a nósanna imeachta bainistíochta riosca agus rialaithe. Tá monatóireacht agus athbhreithniú na Roinne ar éifeachtacht an chórais rialaithe inmheánaigh airgeadais bunaithe ar obair na n-iniúcháirí inmheánacha agus seachtracha agus ar an lucht ardbhainistíochta laistigh den Roinn atá freagrach as an gcreat rialaithe inmheánaigh airgeadais a fhorbairt agus a chothabháil.

Saincheisteanna rialaithe inmheánaigh airgeadais

Níor sainaitheintíodh aon laigí i rialú inmheánach maidir leis an mbliain 2022 is gá a nochtadh sa chuntas leithreasa.

Jacqui McCrum
Oifigeach Cuntasaíochta
Arm-Phinsin

31 Márta 2023

Ard-Reachtaire Cuntas agus Ciste

Tuarascáil le cur faoi bhráid Thithe an Oireachtais

Vóta 35 Arm-Phinsin

Tuairim faoin gcuntas leithreasa

Tá iniúchadh déanta agam ar an gcuntas leithreasa do Vóta 35 Arm-Phinsin don bhliain dar chríoch 31 Nollaig 2022 faoi alt 3 d'Acht an Ard-Reachtaire Cuntas agus Ciste (Leasú) 1993.

I mo thuairimse,

- léirítear go cuí sa chuntas leithreasa na fáltais agus an caiteachas a bhain le Vóta 35 Arm-Phinsin don bhliain dar chríoch 31 Nollaig 2022, agus
- ullmhaíodh an cuntas leithreasa san fhoirm a d'ordaigh an tAire Caiteachais Phoiblí, Seachadta ar an bPlean Forbartha Náisiúnta, agus Athchóirithe.

Bonn faoin tuairim

Rinne mé m'iniúchadh ar an gcuntas leithreasa de réir na gCaighdeán Idirnáisiúnta maidir le hIniúcháireacht arna fhógairt ag an Eagraíocht Idirnáisiúnta Uasfhoras Iniúcháireachta. Tá cur síos déanta ar na freagrachtaí atá orm faoi na caighdeáin sin san aguisín leis an tuarascáil seo. Níl baint ná páirt agam le Arm-Phinsin agus tá na freagrachtaí eitice eile atá orm de réir na gcaighdeán comhlíonta agam.

Creidim gur leor agus gur cuí an fhianaise iniúchta a fuair mé le bonn a chur faoi mo thuairim.

Tuarascáil ar an ráiteas faoi rialú inmheánach airgeadais, agus ar nithe eile

Chuir an tOifigeach Cuntasaíochta ráiteas faoi rialú inmheánach airgeadais i láthair i dteannta an chuntais leithreasa. Tá cur síos déanta ar na freagrachtaí atá orm le tuairisciú ar an bhfaisnéis atá sa ráiteas, agus ar nithe eile a dtuairiscím orthu de réir eisceachta san aguisín leis an tuarascáil seo.

Níl aon rud le tuairisciú agam ina leith sin.

Seamus MacCárthaigh

Ard-Reachtaire Cuntas agus Ciste

30 Meitheamh 2023

Aguisín leis an tuarascáil

Freagrachtaí an Oifigigh Cuntasaíochta

Tá an tOifigeach Cuntasaíochta freagrach as na nithe seo a leanas:

- an cuntas leithreasa a ullmhú de réir alt 22 den Exchequer and Audit Departments Act 1866
- a chinntiú go gcomhlíonann an cuntas leithreasa ceanglais na *Nósanna Imeachta Airgeadais Phoiblí* ón Roinn Caiteachais Phoiblí, Seachadta ar an bPlean Forbartha Náisiúnta, agus Athchóirithe agus ordacháin eile ón Aire Caiteachais Phoiblí, Seachadta ar an bPlean Forbartha Náisiúnta, agus Athchóirithe
- rialtacht na n-idirbheart a chinntiú, agus
- cur chun feidhme a dhéanamh ar cibé rialú inmheánach a chinneann an tOifigeach Cuntasaíochta a bheith riachtanach chun cuntas leithreasa a ullmhú atá saor ó mhíríteas ábhartha, bíodh calaois nó earráid mar chúis leis.

Freagrachtaí an Ard-Reachtair Cuntas agus Ciste

Ceanglaítear orm faoi alt 3 den Acht um Ard-Reachtair Cuntas agus Ciste (Leasú), 1993, an cuntas leithreasa a iniúchadh agus tuairisciú air do Thithe an Oireachtais, á lua cé acu is amhlaidh nó nach amhlaidh, i mo thuairimse, a chuirtear na fáltais agus an caiteachas a bhaineann leis an vóta i láthair go cuí sa chuntas.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach tá an cuntas leithreasa saor ó mhíríteas ábhartha, bíodh calaois nó earráid mar chúis leis. Is ionann dearbhú réasúnach agus leibhéal ard dearbhaithe. Mar sin féin, ní deimhniú é gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúchóireacht. Is féidir le míráitis teacht as calaois nó earráid agus meastar iad a bheith ábhartha más amhlaidh ina n-aonar nó mar chomhiomlán a d'fhéadfaí a bheith ag súil leis le réasún go rachadh siad i bhfeidhm ar chinntí eacnamaíoch a dhéanann úsáideoirí ar bhonn an chuntais leithreasa.

Mar chuid d'iniúchadh a dhéantar de réir na gCaighdeán Idirnáisiúnta um Iniúchóireacht, úsáidim breithiúnas gairmiúil agus coinnim sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainaithint agus measúnú ar na rioscaí a bhaineann le míráiteas ábhartha sna cuntas leithreasa, bíodh calaois nó earráid mar chúis leis; ceapaim nósanna imeachta iniúchóireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bunús a thabhairt do mo thuairim. Is airde an baol nach mbraithe míráiteas ábhartha de bharr calaoise ná de bharr earráide, toisc go bhféadfadh claonpháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaois.

- Gnóthaím tuiscint ar rialú inmheánach atá ábhartha don iniúchadh chun nósanna imeachta iniúchóireachta a cheapadh atá oiriúnach do na cúinsí. Ní dhéanaim amhlaidh, áfach, chun tuairim a thabhairt ar éifeachtacht na rialuithe inmheánacha.
- Déanaim measúnú ar cé acu a comhlíonadh nó nár comhlíonadh forálacha cuntasaíochta na *Nósanna Imeachta Airgeadais Phoiblí* ón Roinn Caiteachais Phoiblí, Seachadta ar an bPlean Forbartha Náisiúnta, agus Athchóirithe.

Déanaim cumarsáid leis an Oifigeach Cuntasaíochta maidir le raon feidhme agus uainiú beartaithe an iniúchta agus le fionnachtana suntasacha an iniúchta, lena n-áirítear aon easnamh shuntasacha i rialú inmheánach a shainaitheann le linn m'iniúchta, i measc ábhair eile.

Tuairiscím trí eisceacht i gcás gurb amhlaidh, i mo thuairimse,

- nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
- nár leor na taifid chuntasaíochta chun mé a chumasú iniúchadh réidh cuí a dhéanamh ar an gcuntas leithreasa, nó
- nach bhfuil an cuntas leithreasa ag teacht leis na taifid chuntasaíochta.

Tuairisciú ar an ráiteas faoi rialú inmheánach airgeadais

Ní chumhdaíonn mo thuairim ar an gcuntas leithreasa an ráiteas ón Oifigeach Cuntasaíochta faoi rialú inmheánach airgeadais, agus ní chuirim aon chinneadh dearbhaithe in iúl ina leith.

I dtaca leis an iniúchadh ar an gcuntas leithreasa, ceanglaítear orm faoi na Caighdeáin Idirnáisiúnta um Iniúchóireacht an ráiteas faoi rialú inmheánach airgeadais a léamh agus, le linn déanamh amhlaidh, a bhreithniú cé acu is amhlaidh nó nach amhlaidh atá an fhaisnéis atá tugtha laistigh de neamh-chomhshéamhach go hábhartha leis an gcuntas leithreasa nó le heolas a gnóthaíodh le linn an iniúchta nó atá an chuma uirthi ar shlí eile go ndearnadh míráiteas ábhartha ina leith. Más amhlaidh, bunaithe ar an obair a rinne mé, go gcinnim go ndearnadh míráiteas ábhartha, ceanglaítear orm an fóras sin a thuairisciú.

Tuairisciú ar ábhair eile

Féachaim le linn an iniúchta le fianaise a fháil ar rialtacht na n-idirbheart airgeadais. Ceanglaítear orm faoi alt 3 den Acht um Ard-Reachtair Cuntas agus Ciste (Leasú), 1993, tuairisciú i gcás go sainaithním aon chás ábhartha nár caitheadh airgead poiblí do na críocha a bhí beartaithe ann nó nach ndearnadh na hidirbhearta de réir na n-údarás a bhí á rialú ann.

Ceanglaítear orm freisin faoi Acht 1993 tuarascáil a ullmhú gach bliain ar cibé ábhair a eascraíonn as m'iniúchtaí ar na cuntais leithreasa is cuí liom. I gcásanna den sórt sin, tagraítear sna tuarascálacha iniúchóireachta ar na cuntais leithreasa lena mbaineann don chaibidil ábhartha/do na caibidlí ábhartha sa *Tuarascáil ar Chuntais na Seirbhísí Poiblí* uaim, ar tuarascáil bhliantúil í.

Vóta 35 Arm-Phinsin

Cuntas Leithreasa 2022

	Soláthar meastacháin		2022	2021
			Toradh	Toradh
	€000	€000	€000	€000
Caiteachas an chláir				
A Soláthar do shochair phinsin Óglaigh na hÉireann				
	<i>Bunaidh</i>	270,650		
	<i>Forlíontach</i>	9,287		
		<u>279,937</u>	278,353	259,903
Ollchaiteachas				
	<i>Bunaidh</i>	270,650		
	<i>Forlíontach</i>	9,287		
		<u>279,937</u>	<u>278,353</u>	<u>259,903</u>
<i>Lúide</i>				
B Leithreasáí-i-gcabhair				
	<i>Bunaidh</i>	5,000		
	<i>Forlíontach</i>	(37)		
		<u>4,963</u>	<u>5,064</u>	<u>4,983</u>
Glanchaiteachas				
	<i>Bunaidh</i>	265,650		
	<i>Forlíontach</i>	9,324		
		<u>274,974</u>	<u>273,289</u>	<u>254,920</u>

Barrachas

Is ionann an barrachas agus an tsuim a sholáthraítear os cionn na glansuime a caitheadh atá faoi dhliteanas lena ghéilleadh don Státchiste.

	2022	2021
	€	€
Barrachas le géilleadh	<u>1,684,953</u>	<u>2,729,751</u>

Jacqui McCrum
Oifigeach Cuntasaíochta
Arm-Phinsin

31 Márta 2023

Nótaí leis an gCuntas Leithreasa

Nóta 1 Ráiteas faoin gCostas Oibriúcháin 2022

	2022	2021
	€000	€000
Costas an chláir	278,276	259,835
Pá	70	64
Neamhphá	7	4
Ollchaitheachas	278,353	259,903
<i>Lúide</i>		
Leithreasáí-i-gcabhair	5,064	4,983
Glanchaitheachas	273,289	254,920
Caiteachas a tabhaíodh in áit eile		
Glanchaitheachas ar sheirbhísí gaolmhara (nóta 1.1)	2,888	2,875
Glanhostas an chláir	276,177	257,795

1.1 Glanchaitheachas ar sheirbhísí gaolmhara

Tá suim an glanchaitheachais ar sheirbhísí gaolmhara comhdhéanta de na suimeanna seo a leanas maidir le Vóta 35 a tabhaíodh in áit eile, maidir le riar sochar pinsin agus seirbhísí eile.

	2022	2021
	€000	€000
Vóta 18 An Oifig Náisiúnta um Sheirbhísí Comhroinnte	1,077	1,121
Vóta 36 Cosaint	1,787	1,728
Vóta 43 Oifig Phríomhoifigeach Faisnéise an Rialtais	24	26
	2,888	2,875

Nóta 2 Ráiteas faoin Staid Airgeadais amhail an 31 Nollaig 2022

	Nóta	2022 €000	2021 €000
Sócmhainní reatha			
Banc agus airgead tirim		188	2,819
Iarmhéideanna dochair eile		1	1
Iomlán na sócmhainní reatha		189	2,820
Lúide dliteanais reatha			
Iarmhéideanna creidmheasa eile	2.1	102	2,499
Glanmhaoiniú ón Stáchtiste	2.2	87	321
Iomlán na ndliteanas reatha		189	2,820
Glansócmhainní reatha		—	—
Glansócmhainní		—	—
Arna léiriú ag:			
An cuntas maoinithe stáit	2.3	—	—

2.1 Iarmhéideanna creidmheasa eile

ag an 31 Nollaig	2022 €000	2021 €000
Suimeanna atá dlite don Stát		
Cáin ioncaim	12	2,054
Muirear sóisialach uilíoch	(1)	327
Cáin mhaoine áitiúil	—	61
Cáin shiarchoinneálach ar sheirbhísí gairmiúla	1	1
	12	2,443
Íocaíochtaí pinsin á gcoinneáil ar fionraí	90	56
	102	2,499

2.2 Glanmhaoiniú ón Státhiste

ag an 31 Nollaig	2022	2021
	€000	€000
Barrachas le géilleadh	1,685	2,730
Deontas Státhiste nár tarraingíodh	(1,598)	(2,409)
Glanmhaoiniú ón Státhiste	87	321
Arna léiriú ag:		
Féichiúnaithe		
Banc agus airgead tirim	188	2,819
larmhéideanna dochair: fionraí	1	1
	189	2,820
Creidiúnaithe		
Dlite don Stát	(12)	(2,443)
larmhéideanna creidmheasa: fionraí	(90)	(56)
	(102)	(2,499)
	87	321

2.3 An cuntas maoinithe stáit

	Nóta	2022	2021
		€000	€000
larmhéid ag an 1 Eanáir		—	—
Eisíocaíochtaí ón Vóta			
Soláthar meastacháin	Cuntas	274,974	
Barrachas le géilleadh	Cuntas	(1,685)	
Glanvóta		273,289	254,920
Caiteachas (airgead tirim) a tabhaíodh in áit eile	1.1	2,888	2,875
Glanchostas an chláir	1	(276,177)	(257,795)
larmhéid ag an 31 Nollaig		—	—

Nóta 3 Caiteachas Vóta

Clár A Soláthar do shochair phinsin Óglaigh na hÉireann

		2022		2021	
		Soláthar meastacháin		Toradh	
		€000	€000	€000	
A.1	Riarachán – pá		72	77	68
A.2	Scéimeanna (pinsean) Óglaigh na hÉireann agus íocaíochtaí i leith seirbhís aistriú	<i>Bunaidh</i>	261,123		
		<i>Forlíontach</i>	9,271		
			270,394	268,705	251,230
A.3	Pinsin chréachta agus mhíthreora, liúntais agus aiscí le hiarchomhaltaí d'Óglaigh na hÉireann nó i ndáil leo	<i>Bunaidh</i>	9,000		
		<i>Forlíontach</i>	224		
			9,224	9,335	8,290
A.4	Íocaíochtaí le céilí iarlaochra Chogadh na Saoirse	<i>Bunaidh</i>	120		
		<i>Forlíontach</i>	(33)		
			87	84	104
A.5	Íocaíochtaí cúitimh	<i>Bunaidh</i>	225		
		<i>Forlíontach</i>	(150)		
			75	75	73
A.6	Fearais liachta agus costais taistil agus costais theagmhasacha	<i>Bunaidh</i>	110		
		<i>Forlíontach</i>	(25)		
			85	77	138
			279,937	278,353	259,903

Difríochtaí suntasacha

Ar an iomlán, bhí an t-ollchaitheas a bhain leis an gclár €7.703 milliún níos airde ná an meastachán bunaidh. Bhí gá le meastachán forlíontach chun freastal ar riachtanais bhreise i ndáil le haiscís agus pinsin, a eascraíonn go príomha as Comhaontú leathnaithe Building Momentum, ar fho-mhírchinn A.2 agus A.3, arna bhfritháireamh go páirteach le coigilteas réamh-mheasta a eascraíonn as fo-mhírchinn A.4, A.5 agus A.6. Léirítear anseo thíos na cúiseanna le difríochtaí suntasacha i gcaiteachas cláir (+/- 5% agus €100,000).

A.5 Íocaíochtaí cúitimh

Soláthar meastacháin: €225,000; toradh €75,000

Foráiltear leis an bpríomhghné 'theagmhasach' den fho-mhírcheann seo go n-íocfaidh an Roinn Cosanta cúiteamh speisialta cnapshuime le haghaidh básanna seirbhíse nó míthreoir chomhaltaí Óglaigh na hÉireann agus iad ag fónamh thar lear leis na Náisiúin Aontaithe agus le misin áirithe eile. Ní dhearnadh aon íocaíochtaí den sórt sin sa chatagóir seo le linn 2022.

Nóta 4 Fáltais

4.1 Leithreasáí-i-gcabhair

	2022		2021
	Measta €000	Réadaithe €000	Réadaithe €000
1 Ranníocaíochtaí le scéimeanna pinsean céilí agus leanaí Óglaigh na hÉireann			
	<i>Bunaidh</i> 3,347		
	<i>Forlíontach</i> (37)		
		3,310	3,167
2 Ranníocaíochtaí le (príomh)scéimeanna pinsean ranníocacha Óglaigh na hÉireann		1,500	1,834
3 Aisghabháil ró-íocaíochtaí		40	50
4 Íocaíochtaí maidir le seirbhís aistrithe		40	1
5 Ilghnéitheach		70	10
6 Fáltais ó ranníocaíochtaí aoisliúntais breise le luach saothair seirbhíse poiblí		3	2
Iomlán		4,963	5,064
			4,983

Difríochtaí suntasacha

Ar an iomlán, b'ionann leithreasáí-i-gcabhair agus €64,000 níos mó ná an meastachán bunaidh. Cuirtear i láthair sa mhéid seo a leanas na cúiseanna atá le difríochtaí suntasacha i leithreasáí-i-gcabhair (+/- 5% agus €100,000).

1 Ranníocaíochtaí le scéimeanna pinsean céilí agus leanaí Óglaigh na hÉireann

Soláthar meastacháin: €3.347 milliún; réadaithe €3.167 milliún

Beidh ranníocaíochtaí le scéimeanna pinsean na gcéilí agus na leanaí éagsúil ag brath ar athruithe ar phearsanra, ar thuilleamh inphinsin agus ar dhul chun cinn gairme ar fud na mBuan-Óglach. Dá bhrí sin, is deacair leibhéal na bhfáltais a thuar in aon bhliain ar leith.

2 Ranníocaíochtaí le (príomh)scéimeanna pinsean ranníocacha Óglaigh na hÉireann

Meastachán €1.5 milliún; réadaithe €1.834 milliún

Bhí cuid den bharrachas €334,000 dlite do ranníocaíochtaí breise a d'eascair as íocaíochtaí riaráistí a rinneadh le baill foirne a sheirbheáil faoin gComhaontú leathnaithe Building Momentum. Beidh éagsúlacht sna ranníocaíochtaí ag brath ar athruithe ar phearsanra, ar thuilleamh inphinsin agus ar dhul chun cinn gairme ar fud na mBuan-Óglach. Dá bhrí sin, is deacair leibhéal na bhfáltais a thuar in aon bhliain ar leith.

Nóta 5 Soláthar foirne agus Luach saothair

5.1 Líon na bhfostaithe

Coibhéisí lánaimseartha ag deireadh na bliana	2022	2021
Líon foirne	<u>1</u>	<u>1</u>

5.2 Pá

	2022	2021
	€000	€000
Pá	68	62
ÁSPC an Fhostóra	<u>2</u>	<u>2</u>
Pá iomlán ^a	<u>70</u>	<u>64</u>

Nóta ^a Áirítear leis an bhfigiúr pá thuas tuarastal ball foirne lánaimseartha amháin de chuid na Roinne Cosanta (féach Nóta 5.1) a chuireann tacaíocht riaracháin ar fáil do Bhord na nArm-Phinsean, agus táillí a íoctar le beirt chomhaltaí den Bhord in 2022. Muirearaítear na costais phá sin agus na costais taistil ghaolmhara €7,000 ar fho-mhírcheann A.1.

Faoi láthair, tá 23.7 fostaí (coibhéisí lánaimseartha) de chuid na Roinne Cosanta ag gabháil go sonrach do shocruithe aoisliúntais agus míchumais Óglaigh na hÉireann a riar. Muirearaítear Vóta 36 ar a luach saothair, arb ionann é agus thart ar €1,197,577.

5.3 Pinsean scoir (bliantúil) – meáníocaíochtaí le pearsanra de chuid Óglaigh na hÉireann atá ar scor ^a

Catagóir an phinsinéara	An líon faighteoirí pinsin ag deireadh na bliana		Meáníocaíocht aonair (slánaithe)	
	2022	2021	2022	2021
			€	€
Oifigigh ar scor	1,856	1,854	33,675	32,580
Oifigigh	9,422	9,202	18,316	17,700
Neamhchoimisiúnaithe (ONCanna) agus saighdiúirí singile ar scor				
Cleithiúnaithe agus eile ^b	1,835	1,834		
Iomlán	13,113	12,890		

Nótaí ^a Léirítear i dTábla 5.3 líon iomlán na ndaoine le haghaidh gach catagóire faighteoirí ó gach fo-mhírcheann ábhartha amhail ag deireadh na bliana laistigh de Vóta 35. Tá roinnt pearsan scortha ag fáil pinsean scoir míleata agus pinsean míchumais míleata araon, agus tá íocaíochtaí comhchosúla iníoctha le roinnt céilí/leanaí le pearsana éagtha: ní chomhairtear na faighteoirí déacha sin ach uair amháin chun críocha líon na ndaoine thuas. Ríomhtar an mheáníocaíocht pinsin aonair a thairfeadtar do phearsana ar scor trí thagairt a dhéanamh don chaiteachas iomlán ar phinsin scoir amhail ag deireadh na bliana faoi fho-mhírcheann A.2.

^b Níor thairfeadh an mheáníocaíocht aonair thuas faoi 'cleithiúnaithe agus eile' toisc go n-athraíonn na suimeanna i ngeall ar na catagóirí éagsúla faighteoirí laistigh den fhoghrúpa sin. B'ionann meánphinsin foriomlán aoisliúntas cleithiúnaithe do 1,431 fhaighteoir in 2022 agus €9,858, atá cosúil leis an bhfigiúr do 2021.

5.4 Aisce scoir (cnapshuim) – meáníocaíochtaí i gcás scor ar phinsean ^a

Catagóir pinsinéara	Líon na bhfaighteoirí		Meáníocaíocht aonair (slánaithe)	
	2022	2021	2022	2021
			€	€
Pinsinéirí nua ar an bpinsean sa bhliain				
Oifigigh	29	20	104,299	122,752
Oifigigh	378	278	40,964	41,976
Neamhchoimisiúnaithe (ONCanna) agus saighdiúirí singile				
Iomlán	407	298		

Nóta ^a Athraíonn an leibhéal pinsin agus aiscí scoir de réir céim scoir, tuilleamh inphinsin, seirbhís ináirithe iomlán, etc.

5.5 Tuarastal an Oifigigh Cuntasaíochta

Muirearaítear tuarastal an Oifigigh Cuntasaíochta ar Vóta 36 Cosaint.

Nóta 6 Ilghnéitheach

6.1 Íocaíochtaí de bhreis ar theidlíochtaí

Bhí 85 ró-íocaíocht gan íoc ann ag deireadh na bliana (2021: 91), arb ionann é agus €75,720, dá mbaineann €38,732 le blianta roimhe sin. Tháinig ró-íocaíochtaí €103,128 chun solais in 2022, dar aisghabhadh €64,614 agus dar díscríobhadh €1,526. Tá iarrachtaí fós á ndéanamh chun suimeanna gan íoc a aisghabháil. Baineann formhór mór na ró-íocaíochtaí sin leis an gcion den phinsean a íocadh sa tréimhse tar éis dháta báis pinsinéara, nuair a bhí an párolla míosúil próiseáilte don mhí sin cheana féin.

	2022		2021
	€	€	€
Iarmhéid tosaigh		83,659	64,686
Ró-íocaíochtaí a sainithníodh sa bhliain		103,128	129,869
		<u>186,787</u>	<u>194,555</u>
Forchúitithe			
Ró-íocaíochtaí a sainithníodh in 2022	64,614		
Ró-íocaíochtaí a sainithníodh roimh 2022	38,440	103,054	102,452
		<u>83,733</u>	<u>92,103</u>
Díscríofa			
Ró-íocaíochtaí a sainithníodh in 2022	1,526		
Ró-íocaíochtaí a sainithníodh roimh 2022	6,487	8,013	8,444
Iarmhéid deiridh		<u>75,720</u>	<u>83,659</u>

6.2 Íocaíochtaí atá faoi réir lacáiste pinsin seirbhíse poiblí

Ar leithligh ó na figiúirí ag 6.1 thuas, bhí 21 ró-íocaíocht eile gan íoc ann ag deireadh na bliana, arbh ionann é agus €47,612 (féach an tábla thíos). Bhí siad sin i ndáil le hiarchomhaltaí de na Buan-Óglaigh a raibh pinsin scoir mhíleata á bhfáil acu, a chuaigh i mbun fostaíochta ina dhiaidh sin in áiteanna eile sa tseirbhís phoiblí. Tá pinsin den sórt sin faoi réir fhorálacha laghdaithe Alt 52 den Acht um Pinsin na Seirbhíse Poiblí (Scéim Aonair agus Forálacha Eile), 2012. Tháinig na ró-íocaíochtaí pinsin chun cinn go príomha mar thoradh ar mhoilleanna ar thaobh an fhostóra seirbhíse poiblí ábhartha maidir le hathfhostú an phinsinéara a chur in iúl don Roinn Cosanta. Tháinig ró-íocaíochtaí €3,672 chun solais in 2022 i leith cúig chás, dar aisghabhadh €3,021.

	2022		2021
	€	€	€
Iarmhéid tosaigh		53,969	40,327
Ró-íocaíochtaí a sainithníodh sa bhliain		3,672	22,993
		<u>57,641</u>	<u>63,320</u>
Forchúitithe			
Ró-íocaíochtaí a sainithníodh in 2022	3,021		
Ró-íocaíochtaí a sainithníodh roimh 2022	7,008	10,029	9,351
Iarmhéid deiridh		<u>47,612</u>	<u>53,969</u>